



Broj: 05-1-37-2-2931/22  
Goražde; 12.07. .2022. godine



GRAD GORAŽDE  
Gradsko vijeće

PREDMET: Odluka o utvrđivanju Kalendara za obilježavanje značajnih događaja, datuma i ličnosti iz odbrambeno- oslobodilačkog rata 1992-1995 godina u Gradu Goraždu  
- dostavlja se

U prilogu akta kao nadležnom organu, radi razmatranja i usvajanja dostavljamo nacrt Odluke o utvrđivanju Kalendara za obilježavanje značajnih događaja, datuma i ličnosti iz odbrambeno- oslobodilačkog rata 1992-1995 godina u Gradu Goraždu.

S poštovanjem,

DOSTAVLJENO:

1. Naslovu,
2. u spis,
3. A/a.



POMOĆNIK GRADONAČELNIKA

Enver Adžem dipl. pravnik



Na osnovu člana 17. i člana 88. Statuta Grada Goražda („Službene novine Grada Goražda“, broj: 5/18) i člana 5. Odluke o utvrđivanju Kalendara obilježavanja značajnih događaja, datuma i ličnosti iz odbrambeno-oslobodilačkog rata 1992-1995 godina u Bosansko-podrinjskom kantonu Goražde, Gradsko vijeće Grada Goražda na sjednici održanoj dana \_\_\_\_\_ 2022. godine, d o n o s i:

### O D L U K U

O utvrđivanju Kalendara za obilježavanje značajnih događaja, datuma i ličnosti iz odbrambeno-oslobodilačkog rata 1992-1995 godina u Gradu Goraždu

#### Član 1.

Ovom Odlukom utvrđuje se Kalendar obilježavanja značajnih događaja, datuma i ličnosti iz odbrambeno oslobodilačkog rata 1992-1995 godina od značaja za Grad Goražde, kako slijedi:

Redni broj	DATUM OBILJEŽAVANJA	OPIS DOGAĐAJA	NOSIOCI AKTIVNOSTI	PROGRAM OBILJEŽAVANJA
1.	05. maj 1992. god.	Obrana Hubjera Trebeško brdo - Gradac	Grad Goražde, Udruženja boračkih populacija	Organizacioni odbor
2.	08. maj 1992. god.	Obrana Osanice	Grad Goražde, Udruženja boračkih populacija	Organizacioni odbor
3.	14. maj 1992. god.	Obrana Kopača	Grad Goražde, Udruženja boračkih populacija	Organizacioni odbor
4.	14. maj 1992. god.	Sjećanje na ubijena djecu u Goraždu	Grad Goražde, Udruženja boračkih populacija	Organizacioni odbor
5.	16. maj 1992. god.	Bitka za "Crvene stijene"	Grad Goražde, Udruženja boračkih populacija	Organizacioni odbor
6.	28. maj 1992. god.	Obrana Zupčića	Grad Goražde, Udruženja boračkih populacija	Organizacioni odbor
7.	29. maj 1992. god.	Obrana Mišjaka	Grad Goražde, Udruženja boračkih populacija	Organizacioni odbor

8.	25.juni 1992. god	Obrana Obarka	Grad Goražde Udruženja boračkih populacija	Organizacioni odbor
9.	14.juli 1992. god.	Obrana Vranske mahale - Panorama	Grad Goražde Udruženja boračkih populacija	Organizacioni odbor
10.	31.juli 1992. god.	Bitka za Preljuću	Grad Goražde Udruženja boračkih populacija	Organizacioni odbor
11.	15. avgust 1992. god.	Početak operacije "Krug"	Grad Goražde Udruženja boračkih populacija	Organizacioni odbor

#### Član 2.

Nosioци obilježavanja se obavezuju da prate, planiraju, njeguju i obilježavaju sve značajne događaje i datume koji su definisani u Kalendaru i da kordiniraju aktivnosti između nosilaca obilježavanja.

#### Član 3.

Ovlašćuje se Gradonačelnik Grada Goražda da imenuje organizacioni odbor za obilježavanje značajnih datuma i događaja utvrđenih ovim Kalendarom.

Organizacioni odbor posebnim aktom utvrđuje program obilježavanja značajnih datuma, događaja i ličnosti utvrđenih Kalendarom, nosioce aktivnosti, obaveze drugih organa i institucija.

#### Član 4.

Obilježavanje značajnih događaja, datuma i ličnosti iz člana 1. ove Odluke finansiraju se iz budžeta Grada Goražda.

#### Član 5.

Ova Odluka stupa na snagu osmog dana od dana objavljivanja u "Službenim novinama Grada Goražda".

Broj:01-02-\_\_\_\_\_2022. godine  
Goražde, \_\_\_\_\_

PRESJEDAVALUĆI VIJEĆA

Bajro Obuća s.r.

## O b r a z l o ž e n j e

Pravni osnov za donošenje ove Odluke su odredbe člana 17. i člana 88. Statuta Grada Goražda („Službene novine Grada Goražda“, broj: 5/18) i člana 5. Odluke o utvrđivanju Kalendara obilježavanja značajnih događaja, datuma i ličnosti iz odbrambeno- oslobodilačkog rata 1992-1995 godina u Bosansko-podrinjskom kantonu Goražde. Članom 5. stav 1. pomenute Odluke propisano je da značajne događaje, datume i ličnosti koji nisu sastavni dio Kalendara u BPK utvrđuju svojim odlukama općine, odnosno gradovi u Bosansko-podrinjskom kantonu Goražde, kojim propisuje nosioce i načine obilježavanja i osiguravaju sredstva za finansiranje obilježavanja iz vlastitih izvora. Zaključkom gradskog vijeća grada Goražda broj: 01-02-1-3879 od 29.10.2021. godine usvojena je inicijativa vijećnika Obuća Bajra koja se odnosi na pokretanje aktivnosti i procedure donošenja odluke o utvrđivanju Kalendara značajnih događaja, datuma i ličnosti iz odbrambeno-oslobodilačkog rata 1992-1995 godina u gradu Goraždu.

Pomenutim Zaključkom je zadužen Gradonačelnik grada Goražda i služba za boračko-invalidsku i socijalnu zaštitu grad Goražda da pripremi prijedlog odluke o utvrđivanju Kalendara.


U cilju implementacije pomenutog zaključka Gradonačelnik je formirao komisiju čiji je zadatak da provede kompletnu proceduru pribavljanja prijedloga, sugestija i informacija od zainteresovanih lica i sačini nacrt Kalendara značajnih događaja, datuma i ličnosti iz navedenog perioda. Komisija je provela sve procedure i aktivnosti radi sačinjavanja teksta nacrta pomenutog Kalendara. Pozvata su sva udruženja boračkih populacija, te sve mjesne zajednice sa područja grada Goražda da dostave svoje prijedloge.

Svoje prijedloge Komisiji su dostavile 9 mjesnih zajednica, i to: MZ Mravinjac, MZ Osanica, MZ Berič, MZ Orahovice, MZ Faočići, MZ Bogušići, MZ Goražde III, MZ Posestra i MZ Osječani. Takođe su svoje prijedloge dostavile Organizacija porodica šehida, poginulih boraca Bosansko-podrinjskog kantona Goražda i Kordinacija boračkih udruženja BPK-a Goražde.

Komisija je održala 4 sastanka. Na osnovu uvida u dostavljene prijedloge, odnosno sugestije Komisija je zauzela jednoglasni stav da se u Kalendaru obilježavanja značajnih događaja, datuma i ličnosti iz odbrambeno oslobodilačkog rata 1992-1995 godina od značaja za grad Goražde obilježe datumi pomenuti u članu 1. ove Odluke.

Prema obrazloženju nosioca prijedloga pomenuti datumi su predloženi iz razloga što su od značaja za odbranu Goražda, a isti događaji su početak organizovanog oslobođenja teritorija općine Goražde. Takođe su ovi događaji od značaja ne samo za mjesne zajednice gdje su se dogodili nego i za cijelu teritoriju općine. Obzirom na činjenicu da je Gradsko vijeće grada Goražda Odlukom o obilježavanju Dana sjećanja na ubijenu djecu u Goraždu u period 1992-1995 godina („Službene novine Grada Goražda“, broj: 5/22) utvrdio 14. Maj, kao dan sjećanja na ubijenu djecu u Goraždu, Komisija je takođe jednoglasno zauzela stav da se u Kalendar ubaci i pomenuti datum. Utvrđivanjem ovog Kalendara obezbjeđuje se siguran izvor sredstava za obilježavanje ovih događaja, kao i određivanje nosilaca aktivnosti na obilježavanju istih.

Postupajući po pomenutom zaključku pripremljen je nacrt Odluke o pomenutom Kalendaru, a iz razloga što se radi o vrlo složenoj i značajnoj materiji koju treba propisati ovom odlukom, a iziskuje potrebu održavanja javne rasprave po navedenoj odluci kako bi se omogućilo svim zainteresovanim licima da stave primjedbe i eventualne prijedloge na nacrt ove odluke, predlaže se gradskom vijeću da utvrdi nacrt ove odluke i uputi na javnu raspravu.



Pomoćnik Gradonačelnika

Enver Adžem dipl. pravnik